

兩浙輶軒續錄

兩浙輜軒續錄卷二目

邵廷章 顧人龍 沈九如 范正輅 王六鼇

邵奏平 丁世鴻 郎廷謨 周禹吉 陳青

汪衣善 劉允升 馮夢祖 吳鷹 沈聖昭

卓爾堪 許汝稷 宋維藩 錢喜選 胡玠

李振宗 曹爾埴 吳靜 張汝翼 王應玘

周鉞 楊三鼎 任己任 何文銓 戚光朝

胡曾 戴玉綸 潘士藻 陳大受 顧天挺

葉淑衍 沈滉 張書 盧漣 董允雯

李仁灼 胡挺 張適 湯涵 滑吉登

滑楷 滑汝謀 仲治 曹爾垣 吳夔

孫宏 董劍鏑 傅仲辰 唐咨黃 何文鑑

葉自合 葉 榮 周上如 李綏祺 顏正色

陸祚蕃 丁 軾 徐 留 葉 菁 程繼朋

胡 榮 王 典 邵學球 朱奇齡 徐南珍

鮑 櫛 丁桂芬 曹鑑徵 孫一麟 董允珂

毛來賓 柴夢楫 李文偉 何經文 任 琦

車仍安 陳吉修 蔡毓坤 郭尙徵 胡 驥

陳禹鼎 王志雍 王 嵩 毛 詠 林齊鉞

盧 鑄 董爾宏 金成器 王觀文 顧 洪

湯可宗 趙 端 吳儀一 宋 琦 張士茂

朱 達 朱 桐 袁 朝 曹奕霞 王美中

董允璘 高斗開 汪 洋 王錫卣 項 銘

虞光儀 余際熙 李以雅 吾定保

兩浙輜軒續錄卷二

督學使者潘衍桐訂

邵廷章

字千會建德人康熙癸卯順天舉人官四川琪縣知縣

嘉興府志廷章在嘉善教諭勤於課士刻有魏塘課義兩葺學宮遇新生有貧者不受贄秩滿遷四川知縣楊振錡曰廷章嚴州詩錄作志章今從湖海詩傳並嘉興府志校正

嘉善表賢祠

祠奉鄉賢陳舜俞

油幢南指舊僧寮貝葉曇花久寂寥高隱一村環碧草孤忠千古說青苗積垣猶喜留碑碣抔土誰從禁采樵公去朝廷

埋姓氏杜鵑啼血到津橋

顧人龍

字雲馭平湖歲貢官太平訓導

受中編吾湖五世同堂者惟雲馭顧先生先生性慈良簡易與人交無城府暮年司鐸太平徜徉山水以詩酒自娛數載而歸時年已八十餘子梅峯先生白頭侍養二孫公望楚材亦頌白矣及誕辰公望之子新婚先生手書一聯於堂曰八旬老叟添壽日四葉曾孫合巹時又數歲楚材生孫世澤之長無與爲比九十餘歲而卒

雜詩

今夕天氣佳坐列黃金釵玉壺貯美酒絲竹鳴啾啾眷此且
爲樂安論形與骸長風滅明燭皓月來天涯廣席過夜半良
會倏已乖吾生如過客焉能不閒懷

婉變水中魚躑躅道上驢閒勞各有分感此良愁余後我皆
先達我計日以疎寡力耕不深抱甕灌園蔬憩息樗木陰徘徊
涕清渠朗吟子虛賦靜翫上古書顧非鞍馬客得遂平安
居抱策過長坂閒步紆以徐藜藿旣已甘吾樂常宴如

相逢行

羽林材官好身手邯鄲女兒好聲口材官十五射入神女兒
十三歌動人朝朝馳馬長陵北夜夜相逢狹斜陌楚腰化作
巫山雲秦箏翻出胡笳拍紅粉常腰十萬錢強梁不憚二千

石年去年來筋力改菱花忽掩風塵色男隨厮養臥沙場女
抱琵琶走城邑寒暑催殘不自持百年同蔭西山柏羽林復
有好身手邯鄲復有好聲口一番花老一番新富貴榮華豈
長久蒼狗須與變白衣當時獨有杯中酒

沈九如

字宣子錢塘歲貢官嘉興教諭著初山草堂集七柳軒集

杭郡詩三輯宣子性肫孝事繼母極謹爲文有根柢書
夜矻矻垂老不休以明經爲江山訓導時值閩亂獨
滿山以當事徵收戰骨躬歷萬山拾殘骸瘞之爲大家
十有二反奉檄修壩梁濟灘河轉嘉興教諭徵修浙江
志通

花鴨尋吳慶伯不遇

花鴨夕陽微青蘿掃白石山寺不逢人疏鐘度四壁空翠撲
衣裳輕風卷巾幘飢飈竄樹閒秋禽啄蘆隙川原如平生愛
此林泉適相思不相遇明晨已疇昔

忠清廟

伍相祠堂春晝長
屬鏤拜賜念先王
風清鬼馬吹沙磧
日落神龍鬪石梁
江上陰雲浮劔履
夜歸星斗撲衣裳
夫差水殿還歌舞
十二鳴箏下鳳皇

范正輅

字載瞻鄞人康熙丙午舉人官江西大田知縣

縣志正輅淹貫經史由秀水教諭擢德化令值兵燹後刻意拊循累決疑獄民有不輸正供者單騎曉諭旋感德爲良民攝篆大田大吏咨一方利病條議十事以進檄各郡遵行之

七夕于明府招集嘉禾亭觀並蒂蓮

攜李官衙清似水
鳴琴自昔多君子
連莖嘉禾名此亭
志乘亦足當信史
明府才名異世同
千年仍聽誦于公
蹊成桃李敷春雨
時際昇平暢惠風
亭前暇日疏芳沼
植立芙蓉紛嫋嫋
就中同幹發駢花
表異呈祥香繚繞
泰始元嘉慶罕逢
休

徵今又感雷封枝桑歧麥兩相似合歡並實搖溶溶競美紛
妍朝復暮重疊素房承玉露同心斂萼仰雲霄比肩漾綵輝
鴛鴦公餘觴客嘉禾亭新秋明月移疏櫺共向池頭看並蒂
恰逢天漢渡雙星好風麗日須行樂不惜頻頻傾鑿落池上
於今有鳳凰橋邊且莫飛烏鵲棠蔭涼生醉九霞坐深不異
汎仙槎翫將數朵夫渠色勝卻河陽滿縣花

王六鼈

字子魚分水人康熙丙午順天舉人官嘉興教諭

縣志六鼈少工詩古文詞以選拔入太學撰石鼓賦鴻都懷古詩爲益都相國數賞名噪一時

南湖學舍漫興

廿年強半白雲乘未有前驅叱瀟陵三語掾稱人有技一經
程罷客無能凌霄仙子還籠鶴投筆書生自逐蠅公等夏蟲
何足異可憐此日尙疑冰

邵奏平

字似宏遠平兄仁和康熙己酉解元

杭郡詩三輯似宏少負時譽與同里徐清獻旭齡潘敬章沐張步青壇有四俊之目

康熙丙午季夏六日嚴母江太夫人七十壽哲嗣灝亭

給諫壽亦五十詩以祝之

喬松何丸丸摩挲有奇節其上施兔絲其下產虎魄虎魄閃
晶芒陸離絢五色大紺如丹砂小黠如蒸栗雕琢皆寶器輝
煌廟堂側光凌照乘珠價壓連城璧珠玉紛交錯富貴難爲
敵迴顧喬然松不改今與昔春夏醉雨露秋冬飽霜雪天保
爾單厚絲絲且無極俾爾壽而昌歲百千萬億

丁世鴻

字孟達長興人康熙己酉舉人官會稽教諭

禹陵

績紀平成九域標稽山廟貌聳岩嶷豐碑字護雲雷起祕寢

衣臨海嶽朝千載松陰扶輦道三江秋色湧鳴潮大梅已化
天龍去猶自空梁鎖寂寥

耶廷謨

字與賢號芝庭仁和副貢官湖

抗郡詩續輯芝庭官楚時值滇黔用兵調赴貴陽軍前
督理糧運凱旋後復委辦軍艘數萬西南諸土酋好穴
鬪論以利害禮法片言而定諸峒隘勒石歌思焉

憶舊

湖上春風浪拍天刺桐花老正啼鶉參差列岫深藏寺宛轉
疎籬曲護田竹裏經聲聞淨業山頭客路信歸鞭好攜顧渚
龍文餅重試平山第五泉

十里平波澹澹香綠蒲紅蓼繞銀塘虛簾捲月通花氣小簾
裁冰沁晚涼樹老雲沈低祕閣樓高風細足匡牀湖山到處
皆堪隱何用棲遲溷楚狂

周禹吉

字介石一字敷文錢塘增生著槩堂集

杭郡詩三輯介石嘗與修康熙浙江通志著有三史質疑扶荔堂文集有槩堂詩敘

晚入北山

舍櫂入林樾涼風吹客衣蟲鳴暮山靜月黑夜螢飛一徑松
篁滿數家燈火微前溪聞犬吠稚子啟柴扉

黃鶴峰

偶至黃鶴峰桃花夾岸濃攀蘿猿避客眠草鹿留蹤溪水杳
然去山雲深幾重仙靈不可遇髮髯倚雲松

陳

青

字髯牧錢塘人著琴山集

杭郡詩三輯髯牧膺畧過人每獨宿山中以待鬼魅性簡傲流寓揚州以老其門人高笏山葬之平山堂

江天

江天何浩渺日夜水東流碧樹千家郭青山萬里舟客帆隨

旅鴈樵爨雜沙鷗何處梅花落吹殘一笛秋

汪衣善

字勇遷號怡亭錢塘諸生著問天集臥遊軒稿

花鳴道中

溪聲行處斷翠色雨餘深野店斜連水孤峯半出林尋僧迷
古寺拂石聽鳴琴對此幽棲境彌增遺世心

劉允升

字子升初字吉臣錢塘人著漱石齋詩箋

秋興

秋氣摧殘葉滿林惟餘松柏鬱森森風迴野徑寒初徧雲過
晴山日半陰作客未舒王粲志耽閒誰識謝安心幽棲不厭
村居小月上南樓聽暮砧

馮夢祖

字召孫號蘧庵錢塘增生著蒼源賸草十卷

蔣開玉撰行略蒼源先生喪父哀毀備至水漿不入口
越六日有奇居喪不游觀宴會免服後每覩遺物及所

兩浙輞軒續錄

卷二

汪衣善 劉允升 馮夢祖

五

又文一

曾游之地

悲不自勝

其一

幽情自賞開遠蒼涼以視殘月曉風寒蟬衰柳不足邀

盼也

蔣宏烈序略蒼源先生孝友嫻陸門庭雖肅時與二三

同志陶派性情

諸詩歌往往躡屐巖壑間嚙斷石危

坐看雲起與至

韻生邈然高咏

集中有題西河集絕句二首奉憶七律一首知非俗流

陟山歌

侵晨整衣裳任我徜徉行前山旣別施後嶺復康莊遨遊漫
無束陟履上高岡霍然縱目眺天地真蒼茫歷紀億萬載屈
指壽天皇彭鏗八百歲顏子三十叟而今有黃耆數之等殂
庭俯仰賢與達哀之俱北邙嶺焉狂歌發音分宮與商商歌

舞元鶴宮歌哢丹鳳矢言調失律何須韻琳琅初吟拂人耳
繼詠摧人腸賡兮與君聽請勿意惹惹

入武林傷顧駿臣

顧子士人望而今潰贅疣坊間饒墨史席上少文儔名豈逃
榮沒身因入老休我來杭郡裏傷往淚長流

蘭宕弔勝

蘭宕慕前楸遊人今頓稀草荒敲榭畔惟有露禽飛

吳

鴈

字威卿百朋子錢塘人

杭郡詩續輯威卿生數歲委性開朗陸麗京見之喜以
女字之稍長師張秦亭弟祖定徐世臣子武令才名頗頗有錢
華于德隅秦亭弟祖定徐世臣子武令才名頗頗有錢
唐四子詩會父被劫免官威卿扶服代父對簿詞旨激
昂感動當路既以事未卽自往來營救抵金
陵觸暑疾歿葬于孤山之麓年僅二十二

吳門送梁仲木之河南

太伯祠前暮雀過暫時把袂醉中歌明朝相憶知何處淇水
秋風馬上多

沈聖昭

字宏宜謙子仁和人著蘭皋集

吳振械曰宏宜耽畫善書復以其書法潦草之意移而畫竹毛稚黃有生子當如沈宏宜語爲張丹著籍弟子

秋夜

初月纖纖下碧岑高樓極望倍愁心
河光墮地秋風起露氣橫江夜色深
不少覆車悲遠道眞傷搆練急寒砧
仰頭空有賓鴻度歷歷南飛斷信音

早春湖心亭眺望寄沈德隅

亭闌重構水雲隈孤櫂登臨四望開
遠澈暮煙驚鼓吹南山晴雪照樓臺
沙明浴鷺花閒聚冰泮浮鷗鏡裏來
獨憶新詩倍惆悵幾時乘興對銜杯

卓爾堪

字子任號鹿墟仁和

杭郡詩續輯子任善擊劍挽五石弓年未二十從李文襄之芳征閩逆爲右軍前鋒摧堅陷陳身被數創猶居士卒之先從軍七年大功垂成聞母病乞歸嘗輯忠貞公忠節錄二卷其近青堂詩有吳綺序極爲推重揚州府志以子任爲江都人入隱逸傳豈嘗流厲邪止邪

宿紫陽山寶乘寺

石磴層層竹樹迷當門春草自萋萋遙聞梵語雲中落俯視江帆檻外低古殿鐘清山鬼拜危樓月滿夜烏啼重分僧榻南窗下客夢初回百感齊

許汝稷

字邵卽海甯廩貢候選教諭

海昌備志邵卽以經學著年八十猶應鄉試俱以人瑞目之旋舉鄉飲賓

新寺

在城東二十里宋熙甯四年建有蘇子瞻碑記

離離野寺鐘聲出漠漠飛雲柘影連苦憶東坡老居士一生

常伴小乘禪

宋維藩

字价祝富陽人

杭郡詩輯夏樂只基輯西湖游覽志价祝爲之參定

天然圖畫閣

野閣臨高岸湖光返照清無雲山自麗不月水長明醒眼花
光媚撩情柳態輕一尊聊適意詩句付閒評

錢喜選

字澹名餘杭歲貢官青田教諭

府志喜選乘鐸青田時流離初復正學缺微乃爲之闡明經義崖辨文體生徒晨夕聽受至坐溢不能容邑宰張立庵錄其講學問答上之憲府嘗輯青田邑志具有條貫

鐵牛行

青溪鐵牛屹相向青溪水挾江湖壯良工鑄寫是何年防川
厭勝資隄障依稀賢令說張公相傳故明張令鑄此牛投帚填薪買策

窮牛腹朱書銘日月迎犧披繡走村翁偶然回斡無恆雨此
牛忝竊尸神功秋來黑雲起陵谷雨工矯步青溪曲河魚大
上入城來洪波浸沒過牛目街市舟呼夜載人抱兒負釜金
巖宿鐵牛敲跌頭角摧口鼻泥沙神殼鯨溪邊野老憇窮愁
作苦頻年稻不收耕牛抵直輸官稅收豎淒涼罷夕謳願垂
間喘勤調變雨暘時若庶徵休扣角歌逢堯舜代箕山牽犢
飲清流此鐵可以鑄農器何必區區愛一牛

劉誠意伯故宅

在青田九都南田山

先生本醇儒所用皆儒術帷幄祕英謀大要六經出陰陽識
緯家害道同楊墨星氣蠱秦皇不救二世失漢儒引符命覲
覲敢亂賊以此推先生俗人誤耳食明祖昔禮賢于旌在巖
穴同至四先生義爲天下屈並以禮學徵良由稽古力忠孝

有本原啟後正無忒遜國長吏殉豈惟子善述我來先生里
考信具得實遺書尙有存雜糅無所及祠堂古木森豐碑字
不滅去就世所疑迹與華野一知臣莫如君乃謂子房匹功
烈或失當未可語同日惜哉漢留侯語怪祠黃石

胡

字介庵臨安歲貢官直隸
知縣著餘蔭堂集

杭郡詩三輯介庵由慶元教諭游升縣令撫鎮關外兵
民帖服卓有循聲年未五十解組歸養親構涉園於邑
南洋湖朝夕吟詠又於段家橋東畔築別業與高澹人許莘野輩倡酬焉

古意示同學章漢符

鳴鳳在高岡所託非凡枝龍門百尺桐相期豈一時偃仰食
其實毛羽五色披出爲王者瑞千載際昌期譬彼貞隱士巖
穴蘊幽姿噉噉鳴有日籬雀爾何嗤

旅中懷故里

全非當日面每以笑爲顰燕引還鄉路花驕失意人途窮惟
飲泣舌在不醫貧夢裏歸程早登堂拜老親

李振宗

字欲仙
嘉興人

江陰舟次

澄江百雉俯清流漠漠離情逐浪浮山色未眞因薄暮林光
不動爲經秋亂烟茅店人爭市曲岸回風柁緩收不覺敝裘
深夜冷長年爲報雪盈舟

曹爾埴

字彥範號範庵嘉善歲貢官江蘇桃源教諭著綠野春深堂稿

家傳略範庵爲宗伯動子學士爾堪弟與當湖陸清獻
講學深契締兒女姻嘗結小蘭亭社借羣從鴈詠其中
自署其門云讀書期有用
閉戶恥無能學者景慕之

折楊柳

去年折楊柳還與君同陌今年折楊柳關山千里隔思君不

可見攀條長歎息遙遙玉笛吹總是傷行役

舟中秋夕

耿耿銀河夜淒淒旅客情山昏雲不落草溼露無聲萬井荒
烟斷孤鐙宿鳥驚獨看明月上何處是歸程

錢爾玉爾斐招飲滌覽堂限韻

哀箏明笛度新詞綺席清談總舊知秋色更從今夜好西風
應視昔年遲二難濟濟雲間雁七子翩翩鄴下詩時同席
七人促
坐留賓還惜別拍浮三白醉南皮

吳

靜字虛直歸
安恩貢

卽事偶興

身世驚心兩鬢霜風塵何事太怵怵交當密甚疏先伏情到
真來淡更長公道天甯欺白髮寄生人自夢黃梁年華荏苒

滄桑變枉說消魂與斷腸

張汝翼

字旦復
鄞諸生

縣志汝翼少善讀書母葉氏授以太學衍義由是有志
聖賢之學黃宗羲之而上遂請業焉講經之會諸人談
辨鋒起徐以一言折之聞者皆意愜
宗羲每稱之曰張旦復篤行君子也

河渚雜詠

河渚何年開草堂四方名士競詞場只今惟有澗清水猶向
門前弔夕陽鄒孝直先生始居河渚構一丈室顏曰河渚草
堂四方名士多造廬燕飲河渚之名實始于此
其後諸隱居皆次第卜
築今草堂非復故物矣

沿山輦道洞霄宮歸海無由問六龍爲想題名幾才傑祇今
惟有野樵蹤沿山十八里相傳宋時往
洞霄宮輦道今爲樵徑

流泉瓣瓣似梅花有色無香清可誇試把羽經重注釋虞園

應匹洞山茶

拍家橋畔有泉在野中田傍虞園出水作梅
花樣拍手待之飛花愈急甘美爲山泉冠

屈曲溪流路欲迷桃源何必武陵西衣冠半古秦人意只有

漁舟到碧栖

清中之泉曲折迴環水中庵曰曲水然曲水處處皆然不獨此庵也

王應玘

字刻公鄞人著粟類集

董沛曰刻公從張忠烈軍忠烈殉難乃入天童山爲僧釋名等月字印干築粟類居中奉先人秀列圖史日訪求異書兀兀纂鈔閒或彈琴弄笛度曲自娛詩書畫皆絕工晚年食肉人呼不了和尚年八十卒遺命葬祖墓旁高節之士不得已而逃禪固不當以方外目之

憶呂元肇

澹盟十子交京江憶其始于今四十春三存七先死白髮天

一方何堪別離此有心人盡亾孤陋遺窮子窮子方外徒崦

岷日西指湖海溷陳人飄蓬適老矣去京骨不還傷心獨難

委

偶成

慨然王伯業辛苦何勞勞春風繞簾燕飛飛營梁巢秋至咸
棄去寂寞還江臯遠意絕消息來雁紛紛翔翹歲月逐寒暑形
影隨昏朝靈智儻獨往誰能得堅操

周

鉞

原名道涵字汝盤山陰人

家傳畧公性孝父卒方二歲聞母哭輒號嘯不止壯歲
課讀毗陵母病立歸割股和藥進親涿廁踰至嘗冀以
驗生枯居喪毀瘠三載後至毗陵感舍旁白雀作白雀
賦寄哀事載府志公讀書癖左氏傳類纂其事成三十
六卷又精研三禮子大根官平湖教諭孫
某官知縣贈公如其官杭世駿爲撰墓誌

烏

衰柳無絲倚斷巖白頭烏鳥泣青衫一枝欲借身何寄半夜
驚棲口未緘入耳不同鶯覩睨關情豈獨燕呢喃最憐子母
相求處啼到無聲苦正銜

楊三鼎

字超然會稽諸生
著一枝山房詩鈔

張文田曰先生以詩禮世家幼耽書史優游泉石不慕榮利故發爲文詩體婉而情真音和而節雅不尙排擊而有清映古澹之容不求幽竊而含惻隱忠厚之旨

齋中卽事

最愛蕭蕭竹萬竿當牕長作翠屏看
小池翡翠尋常見高架蒲荀屈曲蟠
詩獨吟時宜夜雨葉紛飛處帶秋寒
閒身自有林泉與一曲瑤琴正罷彈

晚閒把酒有作

從人索飲便傷廉特地相邀亦可嫌
好酒不關腰折得而今我已勝陶潛

秋日聞蟬

聞蟬初滌暑斷續繫人思
破屋孤眠裏疎林返照時
不因清露歇似與素秋期
調澀吟猶苦偏增客子悲

任己任

字范己 蕭山 麩貢

任氏遺芳集范己甫就外傳讀書目數行下一過不怠稍長爲文辭擲管數千言如夙搆已而責成均以詩賦名京師游宴唱和盡海內名士然性安淡泊不樂驟進留京數年卒

過白燕樓贈博將軍問亭

朱門路接禁城開
高館花深曲徑迴
白羽舊棲梁上燕
綠陰低覆檻前槐
乘槎有願通銀漢
伏枕經年誦玉臺
可愛將軍能好客
書生長許曳裾來

中丞金公以恭繪輿圖進呈喜括蒼山水獨勝命題校

士擬賦三十韻

古括開名郡山川互浙隅
蓮厓通百粵繡壤接三衢
玉笥神書近金庭仙窟迂
洞天標祕錄勝地宅星樞
絕壁干霄迴危峯入漢孤
晴臨如日觀雨黯合雲膚
嶺複叢蟠簇溪澄競委

輪十城疏派闕眾整匯江紆豎瀑傾巫峽奔濤趁舳艫
疑空白馬隘似扼飛狐嶽瀆方神秀東南擅奧區鍾靈生特傑
攬勝集鴻儒展齒招尋遍輪蹄縱眺俱留題姓氏古表碣墨
痕濡羽化猶存室丹成舊有鑪喬林來鶴翅深谷長龍鬚懸
磴侵苔滑低松墜蠶枯齊諧書未有伯翳記曾無自厯兵戈
久仍罹水旱痛丁男多轉徙景物半榛蕪赫怒威蠻徼懷柔
展

廟謨遐荒歸版籍率土繪輿圖無逸還思獻流民詎易模枯
魚看在轍司馬正分符子惠先霑逮

殊恩已誕敷窮檐酥雨潤稗草肅霜鋪肯顧鹽車駿甯遺滄
海珠

天家思底積氓士樂昭蘇降德偕山峙流膏並水趨明公歌

在宥敢續後塵驅

登丹鳳樓

臨天丹鳳勢崔巍乘興登臨亦壯哉澤國人烟環聚落江城
秋色滿樓臺平沙雁影低空沒極浦潮聲動地來羈旅暫時
能攬勝憑闌一望暮雲開

何文銓

字平臣號非庵臨海歲貢
官開化訓導著非庵詩集

縣志文銓少爲學使張公希良所賞錢塘陸階與訂忘
年交司鐸開化尤重行誼以身爲率羣以胡安定相許
沈光邦序略先生生平坦夷率真故詩
亦好寫性靈不事藻飾著有四書口義

贈方日生

丈夫志四方致身苦不早碌碌老蠹魚窮年任潦倒卜式爲
三公不必由探討李杜唐詩人赴試偏下考資格不必拘豈
緊抱匱老

方子夙穎慧奮翅青雲邊讀書恥章句經史深摩研累舉不
得志彷彿終賈年改絃就捷徑唾手列宿前卿相立談取金
印肘後懸快乘際會好壁上看騰鸞

戚光朝

字贊廷金華慶元訓導

三井龍潭

在慶元縣東四十里兩岸復峭壁立有三
泓深不可測歲旱禱雨屢應

兩崖懸峭壁古色老秦松怪石疑蹲虎靈湫想蟄龍瀑聲驚
雨過仙跡借雲封坐久寒侵骨遙聞隔寺鐘

胡

曾

字一魯西安拔貢
官直隸鹽山知縣

縣志曾以拔貢令鹽山欲以疎宕行
其志爲人所中投劾歸齋志而歿

過安仁渡

片槩東流下煩襟一晌開斷雲隨鳥沒細雨逐帆來野戍空
殘墩江村閉綠苔蒼煙連草色留賞莫相催

戴玉綸

字頌廷建德諸生

揚振鐫曰嚴州詩錄於玉綸下註康熙己未薦舉博學鴻詞誤蓋詞科錄所載爲戴王綸乃直隸滄州人也

羅浮仙橘

睦陵古稱高隱地東望雙臺插天翠又有南山峰最奇嵯峨
突兀人罕至相傳昔日仙人居一聲長笛雲滿廬隨風飄墮
得嘉果洞庭霜後紅不如於今世隔幾千載何處桑田不滄
海仙人已去橘亦亾城頭明月終無改

潘士藻

字五庵汾水貢官平陽教諭

恩

蒿源八景

錄二

雲迷洞府盡陰陰變化無心出遠岑
暝結蒼厓秋雨歇影連丹壑夕陽沈
閒隨孤鶴天邊下靜護清猿樹杪吟
爲問仙家何處是欲攜詩伴共登臨

仙洞陰雲

白雲深處枕王家望入東林路轉餘下界松杉饒雨露上方
臺閣鎖煙霞講經蓮座龍歸鉢說法蒲團鹿獻花出定老禪
無一事南檐曝背補袈裟

東暉芄宮

陳大受

字子宏麗水拔貢著聞天樓草

府志大受博極羣書詩文援筆立就累試不售晚歲築樓曰問天藏其生平著述以寄慨

枕上聞灘聲

濤聲不許夢魂惡波面掀然風浪作水石搏擊互成聲客子
胸懷更噴礴初過灘邊聲已通謾謾如聞風入松兩篙齊向
灘頭上船欲飛過水不放衝風破浪雷霆奔舟子波臣惡打
仗豁刺一聲舟已過碎搥冰玉出銀河天風卷濤怒未已大
珠小珠走船底李郭笑余曰起起君真枕流而漱齒

顧天挺

字崧來號蒼巖平湖人康熙庚戌進士官河南滎陽知縣著蒼巖集

三魚堂集子與表叔同里同學同舉于鄉同捷南宮同
出黃岡蘄水之門表述之密未有如我兩人者也叔知
深勇沈文章學問同人所仰邇來益銳志于洛閩微言
嘗取清澗陳氏學節通辨刊刻流傳謂學者入門必先
辨別異同其崇正闢邪之念卓
然出于流俗之上不可搖奪

重陽後一日松源公署別劉瑞

冰衙分袂日籬菊粲英時縱有登高興能無憶別離江風吳
地冷雲岫越山移欲赴明年會遙思在楚蘄

葉淑衍

字椒生號茹庵西安人康熙處成進士官
江西德興知縣著孩音詩集茹庵文集

鄭維鴈序署茹庵任德興令時值兵燹彫殘爲民請命
書數十上乃得蠲除新舊賦稅民賴更生又招集流亡
收贖被掠子女歡呼載道
署中餐冰麈釜甘之如飴

遊金竹寺

山氣陰沈暖未開禪扉靜倚碧雲隈籬煙細細浮疎竹澗水
涓涓漱古苔清磬數聲花自落香廚半掩鳥還來重游記取

深蘿徑柳絮瀾漫欲作堆

遊翠光巖

翠光巖上松苒苒翠光巖下溪如染自在輕鷗貼水飛悠揚
五兩隨風颭豁然石腹開楹軒繞以百尺之蘿煙長夏陰森
冬更煥時有漁翁此醉眠胡公昔日開戎幕

明少保胡宗憲

曾來此

地留清酌攬金伐鼓聲如雷大纛長戈旋岸脚偏裨行走爭
趨風諸侯盤辟羅西東坐中岸憤者誰氏青藤先生燂雙瞳
先生落筆驚星斗白眼看人卻何有唾壺擊碎泣復歌自引
斧錐指其首但喜胡公一世豪不識胡公官職高亦如躡蹠
杜陵叟醉呼嚴武同兒曹嗚呼丈夫所貴逢知己不則孤行
其志耳局促轅下寄人籬肘後懸金安足齒我來巖洞下呼
酒跌苔磯悠悠千古心俯仰徒傷悲胡公氣燄今何在惟有

先生石碣猶淋漓古來何物能長久不如且吸青螺卮渭水
不復非熊獵傅巖不復求賢圖嗚呼當今豈乏磊落嶽崎偉
丈夫老死空山名亦無

登獨山戍樓

何處舒愁眼凌飄上戍臺白波雲外闊青嶂雪中開曙色人
煙動邊聲畫角哀東南徧燿弋征鴈爾猶來

沈

澗

字潞公桐鄉歲貢官象山訓導

烏青文獻君於倫常開不言而躬行以父未葬留心堪輿取國語穀洛關一篇詳加注釋謂擇地要旨不出此象山處海隅士人儉陋未知禮君進而教之及卒生徒聚哭視殮如子弟之喪父兄

秋日詣張子炎貞齋中

羨君卜築最清幽半畝瓜田傲故侯山北松深眠鶴穩花南
水繞蟄魚浮著書虞氏窮偏好潑墨羲之老未休相對頓忘

塵俗想白雲漠漠擁霜楸

張

書

字東白號巽亭安吉巖貢

縣志書有神童之日蚤歲遊庠究心學問工詩賦書法尤精草隸爲人端嚴持重敦孝友宗族子姓咸取則焉

曉發紅花埠

鞭指長安夜未央不辭清露點輕裝
依微殘月開芳徑迢遞輕風送曉涼
雜佩紉紅花氣嫩征衣分綠柳絲長
上林春色應千倍此去先期兩袖香

盧

漣

字獻華號質存錢塘人康熙壬子拔貢官湖南常德知縣著質存詩四卷

杭郡詩續輯質存少孤事母孝與毛西河友善質成均授曠縣訓導擢常德令爲政清潔以事去官

苦雨

山城二月見蘭芽淡蕩東風柳影斜
燕識衝寒來補壘蝶知冒雨獨尋花
孤燈穗燼紅無暈四壁苔生碧欲遮
卑溼更兼

鄉思遠那堪數載滯長沙

董允雯

字石雲號觀山鄞人康熙壬子拔貢官國子監學正著一聲歌集

春日雜感

良友音書易渺茫
愁看新竹過鄰牆
苔閒深院春初老
晝靜濃陰日漸長
正欲攤書愁客至
偶思濯足愛溪香
天涯容我成高臥
爲笑流鶯底事忙

李仁灼

字俊三宣平人康熙壬子拔貢著抑齋集

梁祚璠序畧君少壯時尊人爲渭源令侍從左右所過名山大川開拓心胸其詩神清氣逸殆昌黎所云有大醇而無小疵者選壽昌教諭未任卒

東巖

一名玉巖山

異境從天造
奇巖立地標
峰峰皆插漢
石石自凌霄
日月山岑過
烟霞洞口飄
清風穿峽迅
蒼靄隔村遙
崖陡飛雙壁
溪

深界萬條巨靈運鬼斧碧落駕霓橋星可眉閒摘雲從足下
撩花幽香欲噴泉冷暑全消磴道隨雲折行人駭魄搖寄遊
思舊侶弔古憶前朝詩賦留多士堅貞數二喬血痕金石碧
志節日星昭不盡登臨興躊躇首獨搔

胡

埏

字潛九
錢塘人

孫治序畧潛九湛深藉喜篤信厭浮
夸而其詩豪放不羈有不可一世之意

秋夕吳大紳湯允釗張祖定孺懷魯唯陸子容王雒榮
雍翼孫獻葵宴集從野堂

從野堂開月露清良宵載酒集羣英霏霏玉屑筵中落渺渺
銀河樹裏明近代風流推北地少年詞賦擬西京芙蓉應向
秋波發采得江南無限情

聞張行表自塞外歸賦贈

勒馬長邊雪色來杏山日落壯懷開三秋大漠連烽火萬里
孤城沒草萊赤豹穴深藏柳麓黃熊煙黑上榆堆蒲河渡口
休回首蕭瑟西風兩鬢催

張

適

一名陸鼎字我持錢
塘諸生著亦文集

吳振械曰我持康熙中人文遊如李魚川王仲昭孫宇
台張祖望姜亶皆一時知名士屏居北郭不恆入城
市蕭然閉戶或隨意作大小畫數紙
若意所不欲卽壽以千金不能得也

采雨

汲井知水鹹汲河知水渾清泉自山溪致之常苦煩好雨向
晨來入耳簷瀑喧呼童展素幃空庭羅罍尊移時滿傾瀉洪
源如崑崙澄鮮可瀾茗用以佐清言一飲沁齒腋再飲醒心
魂選地力所詘用天庶易恩惟愧漢陰叟抱甕灌其園

壬子西湖紀事

宋熙甯五年歲壬子清明日眉山蘇公有看花吉祥
寺詩明洪武五年壬子楊公孟載看花西江省掖遇
清明懷西湖去蘇公三百年因賦長句誌歲月欲爲
後三百年張本迄

國朝康熙十一年壬子期至矣諸達官方插植花柳重
開西子生面清明三屆屈指前紀上下古今境事固
殊流連興詠豈無同致聊賦此篇以紀之

憶昔西湖全盛事勝日蘇公常此至歲逢壬子節清明曾記
看花吉祥寺寺裏千堆錦色稠如雷腰鼓打涼州五十三人
花競獻醉歸綠髮簪滿頭歲月推遷人代改熙甯洪武三百
載於時詩史見楊公哀然感慨長歌在借問西湖後若何繁
華依舊歷年多幾度桑田滄海變樵歌牧唱日頻過近喜兵

戈方宴息西子妝殘猶妙色宮僚不惜買花錢千桃萬李紛
紆植等閒桃李頓成蹊風動游船處處迷芳草落花仍共藉
嬌鶯乳燕更相嘯鳥嘯花落風光好一片春工翻手造前因
無復識青蓮再來誰辨眉山老眉山壬子十周全況是清明
湖水邊此日轉懷楊孟載又隔詩人三百年

湯

涵字叔容仁利人著一鳴吟

緝雅堂詩話容作客金臺詩才甚美情託楮素韻儻
琴絲五言如春夢不離酒月魏疑在花愁心寄芳草醉
眼讀離騷蕪蕪同客遠胡虬入春肥名士多如卿佳人
豔若霞七言如畫屏春暖彈金雁琴薦宵深綴玉蟲荷
花無暑自然好嬰武當簾若可呼細翻銀葉同茶坐醉
折瑤華過酒船浮塵大道春如夢落日荒亭馬亂嘶將
別莫歌金縷曲言情常愛玉溪詩

吐詞香豔頗似溫岐集中句也

杭郡詩三輯澄園曾走長安不得志惟與范波輿時濟

徐清猷德法最交契詩有自序謂不敢于大人先生前

乞一言弁首猶夫昔人云祇可自怡悅已爾自命

迥非凡近詩一卷限韻集字詩并長短句附焉

雜詠

花氣襲遊袂野梅古岸香昨夜又東風楊柳生微黃歲時有
代謝漸滋離別腸春花亦云好且與陳玉觴單衣希不試駐
景心徬徨

明月何皎皎去人無一尺所思不可逢幽怨碧苔積異地斷
音塵沈吟坐遙夕

傾國仙人姿出並綺筵列輕裙嬈束素皓齒豔明雪日成兩
延佇紛然五情熱華堂賓客多禮義不敢越誓當報君子冰
雪不磨滅

西南有大宅甲第何巍巍云是金張許貂珥敵盧崔疊蓋連
濃陰接軫奔轟雷淮水應不竭造化有遷回舊日烏衣巷今
日叢榛萊時代屢變易往事成疑猜千秋松柏路何必非樓

臺

我欲凌蒼穹，倒景拾皓月。茫茫混太清，不復見瑤闕。罡風墮地來，此路已顛蹶。西山采藥翁，青瞳兼綠髮。欲往從之游，虎豹嘯叢樾。

前山春雨足，時鳥懷好音。惠風蠲煩氣，清泉醒道心。道逢農夫語，質言勝獲琛。當與子偕隱，十畝桑陰陰。補續田家詩，斷絕梁甫吟。

子美亦窮士，曼卿真奇才。一朝不得志，零落隨黃埃。千年亦瞬息，聞笛令人哀。玉食與紙衣，貴賤安在哉。

哀蠶詞

五日十日春雨足，牆下肥桑布濃綠。提筐村婦出郊畦，殷勤喂飼期蠶熟。我獨嗟蠶命不辰，人情于汝終鮮親。千絲萬絲

吐不盡毒遭鼎鑊烹其身嗚呼君不見長樂宮前韓信死自
古功成如潑水

次韻徐端士見懷并寄

豔說東山起謝安文章游說有波瀾不同花樣逢時貴未解
陰符到處難歸路初冬逢雪早故園三月尙春寒天涯芳草
憑消息莫過前溪鹿跡乾

春暮

一雨客燈碧半欄花片紅有人悵遲暮無計弔豪雄敢道儒
冠誤同誰酒殘空幽蘭自怡悅孤韻在芳叢

澹園

草竹蕭疏不似常茶旗酒幔已斜陽懷人江海頭初白過眼
樓臺夢未忘小閣塵封荒燕迹故紗窗綠入苔牆何堪重取

青花石獨自尋詩到硯房

夜雨兼懷徐清猷

分手各如夢論心尙有詩近流無俊及同調似牙期赤鳳翔
霄早涼蜚絮雨悲知君坐禪室簾底復相思

讀唐書魏元忠傳書後二首

棟幹奇姿溝壑多書生無命說蹉跎昂昂陳郡眞男子此段
觀書意若何

同時亦有韋安石勁節誰如郭貴鄉未解當年兵術好浮沈
晚歲竟難償

湖上蓮花盛開

湖目芬香一水長好花六月未經霜題詞莫寫秋風怨罷酒
初憑短檻涼小小蜻蜓依客坐時時翡翠動漁榔蕭閒似我

頁下... 卷二
真堪隱且著荷衣與世忘

秋至花開且落矣續游未果題此爲別

一昔流連景物非
酒人散盡月光微
笛聲無賴催儂別
檢點殘香獨自歸

銀塘風露太淒清
可憶芳時夜四更
白舫紅鐙人倚棹
苔櫺重寫不勝情

訪清猷不值

香草如煙綠掩門
佳人不見近黃昏
袖中攜有新詩卷
待與花前子細論

滑吉登

字誕先號而庵仁和副貢

湖聖詩鈔而庵慷慨好施有露香亭別業日與北墅諸前輩吟詠其閒例得州同知而樂道不仕

昭明寺

余本幽棲人偶至招提徑叩門風淒淒俗慮冷然醒刻竹驚
棲鳥披襟躡危磴天空淡無雲日落煙初暝遠公託欣賞孤
琴發清聽共語覓無生燈燈了相證

滑

楷字駿雯號逸齋仁和歲貢

臘夜有懷王丹麓

冷風吹不寐枕畔已聞雞蹴舞思同志憐寒念解綈六年深
意氣片席任東西庭下梅花發詩郵寄一題

滑汝

謀字夏占號定庵楷弟仁和貢生

女耕田行

四座且勿喧聽我長歌女耕田妾家無子姑已老夫壻能養
死復早薄田數畝舊所遺耕耨無人半荒草族中子弟氣食
人欲佔此田逐妾身其人金多輔者眾佃者逡巡不敢種老

姑噉噉待朝舖含羞出門親荷鋤可憐耕田腕無力安得將
來禾秀實未終半畝苦不勝淚洒麻衣重歎息不難一死向
九泉念我老姑倚望柴門前誰家游女相擁簇滿頭翡翠雜
珠玉煖風吹衣香襲人道旁老幼目相屬妾容憔悴塵土中
野田幸免狂且辱但願耕田勞且安種得升斗先了官自炊
餘粒勸姑飽誓不將田與凶狡我聞其語心傷悲天地大矣
此事誠有之人生無良不畏天作事橫肆何不然女耕田我
長歌之君莫喧

仲

治

字滌久號潔里秀水諸生著寶日堂集

朱龔尊曰潔厓年十二作雪賦伯父紹顏見而異之謂其父子戮曰此子天才也勿以小成棍之遂縱其所學以藻績爲工者朝僅耳盡變少時之習銳意經史凡前人未剖之疑兩歧之解必剔骨見髓以補先儒所未及年六十猶屹屹一室人罕窺其貌者

題黃敘九南陽草堂

梁父吟成十畝閒，軒楹初闢自題顏。
閒來坐久能消俗，高樹鳴禽似碧山。

曹爾垣

字彥師
嘉善人

古廟

蔓草動逾尺，蒼藤殿角垂。
神鴉行享案，暮雨捲靈旗。
伏臘山農社，龍蛇木魅祠。
隔江明滅處，燐火夜深時。

吳夔

原名曰夔，字汝典，號采山。海鹽人，著物表亭集四卷。

吳東發曰：采山爲接侯孝廉長子，少孤，季父志仁，延楊園先生教之，居平寬袍幅巾，風節凝然，不少屈其素履。緝雅堂詩話：嘉興府志載吳君爲龍字汝納，有樹萱軒詩文集前錄未采，想散失久矣。汝納當是汝典昆弟行。

寄武水陸子上扶

故人昔過滄海東，柳條新綠桃花紅。
輸心寫意數晨夕，握手

話別春光中初夏扁舟重到此此時我客秦溪裏歸來見說
已飄然離心直溯胥塘水梧桐一葉西風早鷓鴣哀鳴凋碧
草少年得意豈悲秋不似山人日枯槁詩懷浩蕩倒江流長
吟短什應更好青軒月色滿藤蘿待爾傾囊一放歌

孫

宏

字省方諱安歲
貢著拙翁詩留

許淮祥曰先生有讀史偶感六十絕鐫版行世兵燬無
存著理學正宗拙翁文留均未彙彙亦散佚其裔孫志
熊按輻遺詩一卷僅數葉耳

題家無燁元配潘孺人血書金剛經

奇哉閩中婦爲翁懸丹誠金經字字血告天天亦驚千年欲
化碧古色長英英風簷敬展玩感泣還吞聲

敬和先高祖屏石公題五松亭原韻

古榦曾邀造化功清標不肯受秦封雲來祇信長栖鶴月落

還疑有臥龍亭立匡肩敲片石泉鳴砌竇答疏鐘翠微深處
閒吟眺烟靄蒼蒼向夕春

董劍鏢

字佩公號曉山鄞人著墨陽內外集

甬上續耆舊傳林爾庵嘗云世謂吾甬上之詩鄞山以才勝其氣雄果堂以學勝其詞瞻而欲以異子參之異子雖工詩然已踏省門非可與遺世之人比者子爲更之曰曉山以韻勝其格超斯真三珠樹也

夜泊芳杜洲

秋陰不覺暝野岸失行路燈火出疏林照見芙蓉樹是時潮
初歸芳洲不得渡枕書倚半舷雞鳴隔烟霧

雜感

李耳之流沙梁鴻入會稽其人不可見其名與仙齊浩淼著
道德滄涼發五噫至今文字間古意猶淒淒馥馥桃花源望
之不可及紛紛白蓮社招之不肯入乃知會心人意與境自

集

秋意

蓼花日以紅蘆花日以白
森森萬里波浩浩孤舟客
長流亦有歸遠遊胡所適
不從砥柱過安見中流石

夏日雜詩

牢落空城客何年解夙愁
一旬當積雨五月似深秋
聽蜩鳥低耳驚鉤魚掉頭
貪廉吾未審衣食爾淹留

長日半高臥將無笑索居
苦吟終寡和減食亦無餘
貧賤知身大山林悔業疏
感時聊屏迹未敢學樵漁

每憐城北子做席自爲門
久雨危牀第長飢定夢魂
新詩時更好澗業道微存
珍重艱難志淒涼試共論

傅仲辰

字蒼野山陰諸生著心孺詩選

章大來序略蒼野事母謹母歿後言及輒哭與人交樸誠修謹年雖五十心猶孺子也故改字心孺

過繞門山作

春風初擊權山影倚晴湖壁峭羊緣木巘危鷓引雛驚雷迴
地底石穴各深數十丈推鑿如雷疎雨迸山膚椎鑿何年始奇形似畫圖

儀真天池謁文丞相祠

浮海孤臣此地經真州遺事忍重聽丹心有恨分南北正氣
無慙炳日星一代文章埋血碧六陵風雨哭冬青至今衢路
還私祭嗚咽寒潮沒舊汀

唐咨黃

字夢刀會稽人著資雅軒集

山行卽事

數峰迴曲徑攬勝步遲遲野鳥隨來往山花任取攜無人知
問姓有石可題詩安得尋黃綺相從采紫芝

何文鑑

字言水臨
海虞生

望海

源流疎向背萬派此歸東但覺天涯近居然地軸窮神仙縹緲際樓閣有無中山立奔潮白雷騰沐日紅煙波銷歲月出沒老魚龍氣象何由極長懷破浪風

葉自合

字永和蘭籍人
著燭光齋詩集

縣志自合少誦讀不事舉業喜鈔錄先賢遺集不減於莊藜堂因自號藜庵從先輩章有成學詩篤於師誼家故貧得錢輒以爲先生饌師歿遇誕辰必往奠墓口不言人過曰崇炳推重其詩謂高雅有古意

送王崇炳歸東陽

哀鴻鳴霜辰衝風度南樓駸駸云暮客子方倦遊江郭融旭霽行將理歸舟攜筇走相送吹面風颼颼老人重遠別何以伸綢繆江店酒可酌機穢容少留含盃悵夕暉俯瞰長江

流江流歸大壑客子返故邱雖無縞紵交聊用罄離愁願言
懷好音函書寄星郵

葉

榮字文朝世龍子龍游巖貢

三疊巖

露迥菅茅石磴斜亂雲橫鎖洞槍牙門開入地蒼崖幻牖出
通天碧樹遮一卷道書長自諷數聲清磬不嫌譁三巖信是
飛仙窟掃葉空林好煮茶

周

上如字汝石清安成貢官餘姚訓導

府志上如博學工詩古文詞

生平潔清白愛不染塵鷲
緝雅堂詩話汝石所著有青苔園文集睦州漫興山中
吟甲寅草越游吟武林篇兄上臣文詞高僕似孟東野
上治與徐少宗伯贛村先生授徒有師法一門兄弟續學
都講不就逕歸上羽家貧授徒有師法一門兄弟續學
厲行猶想見順

康時風俗也

濠上觀魚圖

妙解不在形觀物固以理天機任所適下士徒拘擬曠達莊
生意灑如夢爲胡蝶覺遠遯偶來濠上知魚樂何必是魚方
知魚

李綏祺

字介若縉雲歲貢

縣志綏祺入歲能文弱冠從婦翁朱懷袞遊宦嶺南師
西泠沈甸華析疑解難爲諸生有文名生平敦孝友詩
亦清麗

滕王閣

放棹下洪都登高未亭午覽此山川勝釋我塗旅苦浪闊吞
巨湖山小入平楚孤霞落遠天歸帆生極浦瀟澗望滄洲佳
期渺何許遙遙不可卽慨然懷往古

游章先生閣翁居

在蘭溪純孝鄉渡瀆明章文懿公
懋故宅金華雜識在白露山下

結室名山上鱗次望城闕昔有好修人兀坐對松柏烜赫當
世名馳腕身後迹偶來一展眺江聲走虛壁雲深桂樹青日
出露華白緬彼上古人俯仰如昨日去者日冥冥徒令來者
惜願得尊中酒慷慨歌今夕

觀安南貢使歌

嶺嶠形勢當南隅後枕羣巒前奧區嶼中諸國種類殊占城
火樹日南珠海舶入貢浮巨瓠進泊江中勝廣盧安南使者
坐氍毹綠睛隆準紅虬鬚主人白皙黑者奴尙藩將帥如星
羅短旃長戟相盪摩鏡吹夾道騎前呵召賓入見禮毋苛頗
示

中朝精甲多聞昔馳義下牂牁關地曾作漢山河飛鳶站站
墮江水苦憶當年馬伏波蠻方制度從何始戴笠披髮垂及

耳截木著跟不及趾猩紅氍毹蔽膝止挾帽俯首作長跪且將持此面

天子腰閒閃爍橫佩刀柔鋼繞指鋒吹毛拭鋸淬以鴉鵂膏
精光黯黯霜天高似走蛟螭風怒號長江洶洶飛波濤入境
備將方物列六足元龜獨殊絕沈水奇楠香味別封章字同
春蚓結異域來庭羣方悅何當且見銅柱折

謁謝文節公墓

萬騎竟南牧一身胡北征無君敢愛死有母重捐生亦負逋
臣志終成義士名九原不可作熱淚爲公傾

玉甌巖

曉露胡未晞晨光初出谷石氣動若烟眾樹靜如沐試看丹
甌中黃梁應已熟

顏正色

字信甫安吉人
康熙癸丑進士

山行卽目書感

百尺喬柯帶女蘿
蔥龍彌望碧山阿

聖朝愷澤周巖岫
爾亦偏承

湛露多

陸祚蕃

字武園平湖人
康熙癸丑進士官

受中編武園先生在臺中時蘇州新設滿州駐防上疏
言北京口南杭州已設重鎮蘇地無虞不必添設遂徹
去蘇人德之分守登萊時或言山有銀礦可開遣內臣
出驗先生慮爲地方之累言于巡撫寢其事而取具呈
者重懲之後無敢再言者尋權臬篆平反七人得不死
署德州糧道半年疏淺滯恤軍民漕運早達以卓異蒙
首薦先生德器渾厚雖素所不快者
相見時亦藹然和煦人皆欽其厚德

發來賓

荒草無行路
山花閒作香
雨過愁轉滑
秋老未生涼
岸犂鴉

羅堡盤旋馬峽塘柳碑新繫肘魁客定潛藏

齋居雜詠

俸錢不惜且誅茅夜雨晨嵐等故交屋小尙堪僧共榻簷低
不礙燕營巢朝衫頻洗痕將裂石硯多磨面自坳知是棲遲
年歲久一枝安穩未能拋

丁

軾

字敬輿號鉅川錢塘增
生著梅溪書屋詩稿

丁丙傳畧先曾王父幼承庭訓稍長教授里閭入奉甘
旨既而游皖北以几案才佐幕府皖界中州嘗匹馬走
汴梁追討宋東京古蹟憑弔悲歌錦囊

南巡
駕獻詩

高王父躍舟府君年躋大壺迎

賜緞匹曾王父恭紀篇章乃編

微者彥廢和名曰衮榮錄
緝雅堂詩話敬與先生詩才雋上讀展謁祖墓一
首孝思肫摯如見其人後嗣昌大所貽謀者遠矣

越州福巖展謁祖墓信宿舊廬有作

江風從東來薄暝催冷節雙槩烏篷舟劃破綠波纈道塘沿
野橋遂登先世宅菜畦曲逕通稻把廣場積族黨相見歡敦
樸不嫌僻童穉下學歸迎我疑爲客吾生緬本源敢忘服疇
德短檠喜作花殷勤話疇昔布衾夢亦安何事遠行役

詰朝禮廟社吏隱追梅仙仙風渺何許祖澤於此延先隴已
七世精氣累百年埽松感春露焚楮散野烟清酒一爲奠和
淚滴九泉諛墓亦何補守賴孝弟堅心希歐陽子重表瀧岡
阡

國初政草創伏莽猶未定豺虎殘村閭無由避強橫恭惟周
太君風疾草尤勁倉猝投清流桓桓正其命三日屍尙香蠶
蚨不敢競儒官揚清芬志乘美潔行清潔流子孫沒世仰餘
慶徘徊蠶豆橋朗照鏡湖鏡

按浙江通志丁瑞南妻周氏順治初年游軍入村落見氏姿美

探至河干遂躡入水死時年二十三
里人立石於死所曰丁烈婦盡節處

徐

留

原名克堅字沛師
弟錢塘諸生

端敏祠

逆藩謀未動舉朝無一語明燭在幾先九闈密投疏小臣閒
懿親上觸雷霆怒心惟知社稷咎榜畧不顧一朝事敗壞忠
貞始昭露嗟彼王文成功名稱獨步要亦焦頭人徙薪公早
慮

放鶴亭

澹澹兩峯雲溶溶一湖水但見遺空亭不見鶴來止清風拂
寒梅苔蘚迷故址吁嗟林下人幽懷曷能已

葉

菁

字咸山號幹亭錢
塘貢生著也園草

葉晟序畧幹亭兄性孝友與物無忤故其詩和平溫厚
寓江西時隨手散去多不存戊子抵武林得也園詩同

學欲取以開雕作詩謝之曰詩卷拋荒四十年不堪重
理舊殘編偶然緝綴渾游戲休把閒吟作話傳其高致

此如

徐程鵬跋畧幹亭學有根抵每于與會
所至隨意打寫不假雕琢獨饒神韻

也園雜感

靜極如有會虛空遠若譁超超恍自得息此意念奢秋氣無
柔風秋容無媚花肅然含清介不復務榮華

曉來欣噪鵲薄暮厭鳴鴉喜樂何所憑人情殊亦差瞬息悲
蜉蝣馳逐混龍蛇撫今思後來述古鑒前車避塵絕妄念涉
世堪咨嗟

清音聽遠鐘虛景看朝霞銀漢一輪月浮雲難久遮虬枝百
尺松歲寒色愈嘉方寸甘淡泊紛紜何以加

作畫

未知元宋罔留題隨意濡毫何所稽流水無聲橫遠浦深山
有路隱招提淡分岡麓疎林外輕染烟雲萬壑齊志不在魚
垂釣叟扁舟竟日坐寒溪

燕都旅邸卽事

旅館秋高日影疎故園情緒竟何如十年書史爭蝸角半世
心情老蠹魚雁字未能傳信至砧聲早已報寒初休言寡合
無知己饒有清風動客裾

題東園沈氏小圃

城中也自值桑麻僻處東隅只數家但得園林無俗韻何須
臺榭有名花畜魚時刈池邊草會友頻烹雨後茶莫道虛堂
太幽寂風聲鳥語尙嫌譁

春思

百卉爭妍日陽和播鳥聲綠鋪階草軟翠貼沼荷平明月梨
花夢東風楊柳情何人吹玉笛春思滿江城

晚過長江

一身飄似葉況復在舟中山遠平沙闊霜凋萬木空波光奔
落照帆影飽春風遙望蘆深處漁燈幾點紅

程繼朋

字仲友錢塘人著學

易山房詩稿二卷

凌如煥序畧程君信齋工吟詠律整才偉挹
其秀潤不啻酌惠山之泉剖崑岡之玉也
緝雅堂詩話仲友詩如池中劍氣千年冷石上茶烟一
徑斜淒涼夜月渾無色零落殘花不當春拂簾蟻煙聲
微度帶雨芙蓉夢未醒杜牧鬢絲添
幾許玉溪詩思憶多時均有情韻

秋感

昨夜西風暑氣收井梧墜落半簾秋數莖白髮猶強歲一帶
青山總舊遊何處砧聲催落月幾回雁影掠行舟年來始覺

浮名累欲向天涯問去留

松堤晚渡

漁罾喧古渡一帶繞寒烟堤上青青樹松花落滿船

胡

榮字志仁錢塘人
著客安詩草

朱彝尊曰五排在諸體中別有氣韻最難擅

場今讀容安所作工麗流逸老眼爲之一明

楓雅堂詩話容安詩如輕風幽韻敲青竹落月殘光點

碧苔千村樹影當窗出一鏡湖光到檻浮爲愛孤山不

辭冷忽來疏雨未嫌狂堤沈水底煙

初障寺隱湖南山欲屏皆可采也

三浙書院落成應金大中丞韻

三年泣浙喜崇文百廢俱修及典墳幸有虎林遺故趾何妨

鹿洞繼前聞掄才久欲方行儉作賦懸知有子雲多士景從

來此地仰瞻棟宇盡氤氳

陪朱竹垞檢討卽席分賦

次日竹垞
返棹駕水

時際嚶鳴春酒芳不辭末坐與飛觴老臣已破花磚影年少
猶霑芹水香梅點豔妝留客座蘭紉芳佩到詩囊初筵未爲
陽關設贏得庭前霽月光

王

典

字備五號慎齋仁和貢生官河南
杞縣知縣祀名宦著慎齋詩存

府志典任永興時縣經兵亂招流亡開荒蕪民以安集
有虎爲暴禱城隍神虎自斃于市嗣調杞縣政尚寬仁
建社倉興義學暇
與課藝多所成就

送陳康侯南歸

與君離故國楊柳正嗁鶯鄉夢生風雨征途慰弟兄題詩窺
鳥過把酒向人傾自是難爲別低頭淚欲橫

邵學球

字文叔仁和諸生
著綠蕉庵稿一卷

秋夜

客去雙扉掩翠微夜涼山氣逼秋衣雨餘荒徑蝦蟆吠風靜

空堂蝙蝠飛壁上琴絃調後潤案頭詩草病來稀無聊檢得
樊川集讀罷鑪香細結霏

朱奇齡

字拙齋海甯

恩

州志奇齡長於古文詞有拙齋集行世嘗輯宋以後事爲續文獻通考補搜羅考訂人多服其博洽

接婦行爲寡姊賦

有鳥孤翼飛顛沛良足傷十三誦詩書十五學縫裳十六遭
亂離父與母偕亡十七爲新婦衷猶縞與素姊弟三五人悲
聲感行路入門強歡笑猶恐高堂怒雞鳴繼斧總永日惟承
歡已復退私室舉案勸加餐束髮爲人婦常恐不自寬竭歷
事姑壻詎謂中道艱秋風吹隕穉零落一時散阿姑旣長逝
夫子亦捐館渺渺兩孤兒前抱阿母呼見此摧肝脾齊甘化
爲荼欲生不得生欲死誰撫孤壯年尙夭折安知此區區薄

命如糞土彼蒼者何辜

徐南珍

字時介海甯廩生著思可堂集

吳振核曰時介先生穎苦力學于通鑑通考等書皆能成誦太倉相國稱爲才深韻潔學貫經史查聲山少詹言時介詩文絕去時下畦徑必窮高極遐雕鏤鑄令閱者如探巖穴如涉溪湖如玩名花異卉

偶占

花凍鶯寒不解飛兼旬風雨閣春暉湖雲更自癡于我咫尺

家山不解歸

鮑

字瞻麓餘杭歲貢官瀘安訓導

杭郡詩三輯瞻麓兄楹先居是官者十年康熙丙子楹公車北上乃接任勤課諸生無不悅服在任十八年瀘令某贈詩有滿庭桃李秀盡是二君栽之句明倫堂桂樹一本相傳宋名人手植至是枯復補種之題其旁曰補宋桂士人勃之石甲午夏喪父歸途過哀且觸暑抵家未兩月卒

卽景

兩浙輶軒續錄

卷二

徐南珍 鮑樹 丁桂芬

臺

八

樓上牙籤萬軸餘黃梅時節走蟬魚東窗閉後西窗啟放進

斜陽來曝書

丁桂芬

字雲士號筠溪嘉善貢生著方谷詩鈔

石湖山房詩話筠溪爲清惠公會孫肆力於古所居城南帶池有素園饌水木之勝酒鎗茶臼紛列座隅過從者惟農談漁話中構讀書樓圖書碑帙堆案充棟丹青象刻靡不精妙詩才宏富以南宋爲宗

魏塘柳枝詞

不須荷鍤枕糟邱棄缶成山儘臥游賸有醉吟池上樹一絲

絲拂讀書樓

敝居名帶池其西爲瓶山宋榷酒務也

嚶聲入聽苦相思洲畔陰陰異昔時縮取兩湖春意緒好風

搖曳隔城枝

邑北郊有柳洲亭魏庶常學濂曹學士爾堪八子會文處

閒誦幽詩愛古風課晴柳岸有興公一椽世守惟耕讀門對

橫塘恰在東

魏塘東有東作莊明賢良孫公詢居此

南浙分流界一湖我來何處弔廉夫泗洲橋畔朦朧月可有

穿雲鐵笛無

邑之汾湖南浙交界處楊先生雜楨有游汾湖記

曹鑑徵

字徵之嘉善人著紅藥園白石樓集

府志鑑徵貌寢不自修飾所交必奇士與南粵朱斐北平韓畧善門有橡樹中庭有紅杏客至多吟咏其側偶移石廢二指遂病狂不憤不履行於市數年死

贈蘇崑生

襄陽城裏鷓鴣飛回首當年事已非憶得軍中橫玉笛峽猿

山月兩霑衣

孫一麟

字叶祥歸安諸生著耕煙集穀哺集

許淮祥曰先生裔孫志熊云先生兼工古文詞又能以指頭畫山水

題岳魯叟蕭山訪許集

江山陳勝概今昔幾傳人當代能文士六朝遺逸民風雲天

地曠歌嘯性情真兩兩相關意鑿荒通鬼神

董允珂

字二嘉鄞諸生著峩山集

縣志允珂性和平孝弟之行與兄允瑄相埒

乙卯除夕和岷公韻

不謂飄零慣彭城卻歲除旅懷空渺渺春意故徐徐知己寒
繁共孤生客路餘莫嗟成老大詩境本冲虛

毛來賓

字岐陽鄞人

全祖望曰岐陽從異僧受返魂法于密室潔壇布几置繪具問四十九晝夜能攝魂魄追圖其貌黃岡王尚書吳廬爲作異人傳晚歲取所受書盡焚之曰此鬼神所忌且聖人所不語君子是之

奉酬謝太僕見過小齋贈詩元韻

不厭郊原僻來尋風露清園蔬隨意刈庭竹有時鳴老鶴行
偏照明蟾輝未生開樽還並醉每到斗杓橫

柴夢楫

字岸公，慈谿人，著一拂草。

重九

良時搖落後，倚枕過重陽。
不敢登山飲，應愁見故鄉。
高雲一片薄，濁酒數杯狂。
無限歸來興，東籬菊正黃。

宿懷橘園

橘林桐葉綠紛紛，雨捲蕉聲隔岸聞。
昨夜柴門閒不掩，曉來吹入半牀雲。

李文偉

字韜仲，鎮海貢生，著晚香集。

錢清舟中

羽檄三吳若調兵，南來寇盜尙縱橫。
十年故劍空囊在，千里孤舟獨夜行。
挂樹斗牛昏漢色，夾江鼙鼓助秋聲。
田園種秫堪資飽，底用飄然賦遠征。

何經文

字無墨山陰人官貴州黎平知府

呂善報曰無墨先生余祖姑丈即恭惠公父也少工制藝與方靈舉張匠門交官黔中緣事罷歸乾隆初年特召原官起復以老病辭不赴喜爲詩酷好白傳

憶若耶

澗澗湖光映月光秋來菱芡徧幽香詩魂早入耶溪路誰記
雲山說夜郎

任

琦字連璧蕭山人

任氏遺芳集連璧志大才高工詩古文辭性廉介生平不苟取與境當困乏選韻賦詩歌聲出金石有墨隱集藏於家

儷古

光武中興漢治國家不齊寵彼嬌豔質棄此糟糠妻結髮且
若是貧交自可疑所以嚴子陵垂釣富春湄富貴豈不欲達

人早見幾雲山邀勝友風月結相知幽閒忘寵辱淡泊無是非

亞父非不智忠信反見惑可歎沐猴冠空有重瞳自古來冠世才不能合流俗荆山一片石幸有卞氏哭若不逢知己視石豈辨璞何代無奇琛所乏在識玉

早發將之八潭途次示同舟

十里寒塘路凌朝天未明村墟驚犬吠野店聽雞鳴月共殘星隱霞從曉日生侶人頻借問何處八潭城

車仍安

字叔猷上虞廩生

上虞詩集叔猷九歲能文十歲入泮惜未及冠而卒

南軒坐月

飯餘無箇事攜扇坐前庭皓月初臨檻狂飈忽撼檣藻翻滿

池水竹掃一天星我欲乘之去飄飄凌紫冥

陳吉修

字敬庵臨海人候補同知

金鼇夜泊

海門潮落暮江平沙鷺停橈對月明繞岸鐘聲來梵剎隔林
螢火亂漁燈素衣可有京華土黃帽猶傳海驛程坐待煙消
鼇背迴登高懷古不勝情

蔡毓坤

字希幹號一甯黃巖廩貢官武康訓導

奉化學廨留別

冷署樓身久家鄉計日還漫留書帶綠徒益鬢毛斑霜積秋
深樹雲橫雨後山短絨如可寄魚雁到江關

郭尙徵

字思遠金華拔貢官山東濰縣知縣

金華詩錄尙徵令濰縣值大
殿設法振濟民依之如慈母

桃花嶺

突兀千山轟斜懸一徑通路隨雲影
沒花傍澗流紅樹疊高低翠溪環遠近
峰括蒼多勝地佳氣此山中

胡

驥

字貞之湯溪貢生

重遊九峰

昔年曾陟此雲峰今日重來訪舊蹤
丹竈不隨仙客去青山如與故人逢
半巖瀑布飛晴雪萬壑濤聲出古松
好景幾回看不盡夕陽歸路鎮從容

陳禹鼎

字子重湯溪貢生

塔巖

天築長廊四壁通丹崖層砌白雲宮
入林鳥語傳幽谷踏石雷聲應碧空
花竹霏微簾幙外煙村隱約畫圖中
狂來欲倩

山靈問巧鑿何年造化工

王志雍

字正徽號敬山西安諸生

齊召南傳畧敬山孝友無間舉止端方寡言笑接人必以禮為諸生不屑作時藝博通經史研精性理諸書居敬窮理知行並進孜孜勿懈著象數蒙求以啟後學作廓如集以闢異端居父喪哀毀盡禮學者比之劉因焉侍郎李鳳翥銘其墓曰惇行三物羽翼六經蓋篤行君子也

菱湖偶步

湖水清且碧幾回迎我眸過橋如獨鶴引客得雙鷗紅葉空
漁舍青山失畫樓菱歌何處有一片斷雲流

王

嵩

字子高建德諸生

七里瀨

峽東江流迅峰高日上遲鳥過青嶂合檣動翠屏移身世嚴
陵釣山川謝客詩寥寥人境外千載有心期

毛

詠字斯陶遂安貢生候選州同

游語石庵

逍遙任所適禪房得虛構拭壁認前題凭闌挹遠秀林深虎
氣腥松老刺形瘦勺水幻虛舟陰厓符怪獸六時幢影垂千
曲泉聲溱莫道寂無喧自然清可漱雲還冉冉飛竹更娟娟
覆試上最高峰一聽鈞天奏

林齊鉉

字覺侯瑞安諸生箸荻齋集

答邵靜山先生見訊

西冷一見許彈冠青眼曾將國士看風雨送花春欲老江湖
入夢夜來寒登樓敢謂追王粲命駕空懷學呂安十二年中
無限事祇應不放酒杯乾

盧

鑄字子純餘姚人康熙乙卯舉人

吳門竹枝辭

香徑春深草又肥，一雙鴻鵠背人飛。
郎心莫似橫塘水流到，三江便不歸。

董爾宏

字道能，號毅庭，慈谿人。康熙丙辰進士，官江蘇金壇知縣，著春雨樓集。

鳳凰山晚眺

振衣成遠眺，秋色頰長空。
二水分還合，千山翠復紅。
雲歸巖樹隱，日落浪花中。
不盡山陰興，高歌暮靄中。

金成器

字伯鼎，錢塘人。康熙丁巳舉人。

病中柬友

一病剛三日，支離已不勝。
春寒侵瘦骨，夢醒怯殘燈。
壓藥還需粥，扶行欲藉藤。
何時足力健，峭壁約同登。

時約遊南屏，未果。

王觀文

字文正，西安人。康熙戊午副貢，著宜園小品。

葉淑衍序畧文正性沈靜寡言
笑博覽善記爲文千言立就

登柯山最高頂

御風登絕壑，騁望俯神州。
大野孤雲沒，高空白日流。
何人傳絳雪，有地似丹邱。
我欲從之去，天長路阻修。

顧

洪字省源錢塘諸生

汪南屏曰省源性豪邁才華經濟爲當世推重敦行
誼撫諸姪迺己子解紛排難千里必赴一諾不欺

下灘

不到艱難地，那知性命輕。
舟飛穿石罅，瀑急帶山傾。
怒似千獅吼，狂於萬馬征。
孤懷比流水，歎息幾時平。

湯可宗

字允釗號古田錢塘人
著古雪堂詩選一卷

杭郡詩輯古田從朱篁風孫宇台張祖望學終
日鍵戶兀坐深晤性命之旨與兄顯宗齊名

五顯嶺喜晴

兩浙輶軒續錄

卷二

顧洪湯可宗趙端

完

陟彼千仞岡，霖雨絕遐想。行行天忽晴，垂虹出仙掌。啼鳥發清音，窮谷生幽響。疊嶂頓森列，四野散蒼莽。遂憩仙谷中，開襟空翠上。曠哉下界觀，豁眼神氣爽。樵歌隔隴聞，攜筇欲前往。

晚渡峽口宿山店題壁

驅馳日西暮，長嶺何紆復。久雨恐水至，昏黑渡峽宿。石觸乘筏，敲溜緩進篙。速源流未及，窮岸到驚叢。木路傍鳴竹，雜草聞跳芹。鹿沙響識行旅，燈懸見茅屋。隱構兩三椽，亭亭沿溪曲。澗洄動虛窗，杳杳冥迷短燭。箕坐不知疲，心清頗有覺。擔簦雖苦辛，潛隱吾所欲。伊人在巖阿，明當往相告。

趙

端字又呂錢塘人

秋日洗雲庵飲席

同毛會侯汪潒水家天羽

問字來精舍招攜散旅愁開樽宜落日立馬正清秋地接山城靜歌憐子夜幽長卿雖倦客未覺減風流

吳儀一

字璫符更字抒覺又字吳山錢塘布衣著吳山草堂集十六卷

杭郡詩續輯吳山生甫五月而能語有術者曰子足心有文左龍右虎言蚤恐不壽因手摩兩足遂不復言九歲徧十三經稍長游三邊十嶽足迹殆徧然念母老歲必歸省後葬其親于青芝鵠墓左築苦庵居之號芝鵠居士生平于書靡不讀所撰有夢園別錄四百餘種今已散佚娶三婦皆能文

蓮池精舍納涼

其愛東林勝扁舟到水湄苔經疎雨溼竹引午風吹白社遠
公酒青山謝朓詩殘雷逗斜日愁絕欲歸時
禪隱兼書畫高齋任客窺試泉茶屢換就竹坐頻移雨落芭
蕉急風開菡萏遲更憐初地月乘興待秋期

宋

琦

字受谷號玉山仁和中諸生著雲深草堂集

杭郡詩續輯受谷居界河闕小圃曰苟園與金芥老諸人往來賜詠詩以楊陸爲宗殘稿惜已散佚於塘棲耆舊集中錄

得二律

謁范忠貞公祠

烏石峯前節鉞祠松杉雲黯不勝悲天心果厭三山亂臣力

猶堪一木支未許田橫稱義士可憐南八是男兒

謂隨公殉難者只

今黃犬東門外若箇嬉游上蔡時

灼灼丹心氣吐虹徑須緩死看成功一弦纔畢孤臣恨三載

空爲跋扈雄遼海有魂歸夜月聞天盡室哭西風可知瞻落

由公在井底蛙甯數已窮

張士茂

字彥若仁和人

夜泊南湖

一水渺無際烟光生暮愁渚閒飛白鳥霞起見丹樓漁唱偶

相接權歌殊未休勞勞此湖上茲夕又淹留

朱

達

字可人海甯諸生

錢泰吉曰陸茂才齊壽藏閣廬詩文集寫本二冊中有與黃徵君許邑侯兩書皆規切甚至與武原王邑侯論禁糶書尤有裨於荒政詩論多翻前人之案文體大略與爲可堂相近

登數峰閣感懷和梅村先生韻

樓中祀倪公鴻寶凌公若柯周公巢軒施公四

明吳公磊齋陳公賓日皆浙中死事者

落葉飄零故國秋湖邊尙記舊清流丹心土化千年碧勁節風高百尺樓吳地潮來猶有恨匡山浪激已無州西臺舊日招魂處夜月娟娟照故邱

謁張無垢先生祠

訪古南行到海濱捫碑尙紀宋孤臣批鱗不惜經三黜對策無慚第一人幾處講堂開絕學猶聞社酒酌遺民百年理窟

兩浙輶軒續錄

卷二

朱達 宋桐 袁朝

呈

今蕪塞誰與先生接後塵

朱

桐字啟唐海甯諸生

節婦吟爲先叔子薪公配孫孺人作

東海右族稱孫氏簪纓組綬光閭里柱史歿後家勢傾特鍾
靈秀閨門裏于歸擇我紫陽胄無慚淑女隨君子季叔幼孤
家素貧操作便從結褵始翁已見背姑尚存晨夕黽勉供甘
旨三載孝養如一旦中間匱乏脫簪珥姑亾未幾夫染疴五
年伏簀遂不起此時心割腸爲摧何難矢節同夫死回顧懷
中三歲兒苟延性命非得已從此熒熒十九年生女得歸事
畢矣斬然絕粒遂不語殉夫以身不再俟夜月難迴別鵲聲
青松白日從前矢

袁

朝字儀一新城諸生官雲和訓導著鸞野吟集

杭郡詩三輯儀一爲學以養
靜爲主工書法兼寫蘭竹

詠古分得金精盤

如雷戰鼓鳴瑟瑟天子較射仁壽宮越公身手推第一十發
十中飛金鏑外國所獻金精盤價值巨萬頒朝端上手親賜
顏色霽臣素再拜敢銘識吁嗟乎賜金錢賜金鉢恩澤深報
無極如何射雉言能踐當時惟有龐元顯

曹奕霞

字乘生號哲庭嘉善人著白牛村集

石瀨山房詩話哲庭弱冠游京師聲動輦轂嘗和周蓉湖司空雙劍歌有曹雙劍之名乙酉

召試賦白杜鵑花詩稱

旨賜內膳論令進京鄉試薦充纂書不就客學使樊榭齋先生慕復孺游五嶺歸隱居白牛村自號白牛居士閉門卻掃時時與陸清獻公講經濟之學詩筆在香山東坡間有江到桐廬不上潮之句爲寒巢老人所激賞

雙劍歌爲銀臺周蓉湖先生賦

何來匣底雙芙蓉光怪燭屋明秋虹天地之寶恆萬鍾非公
博物誰昭蒙七閩云歷三十峯遇人談劍名猿公劍雖不得
其術窮求之鑄者靡良工千鑊自古競楚風方彼百鍊爐冶
紅鬼神守護日月鎔良由造化非人功低徊往事餘形容到
處已成踏雪鴻今茲建甯侯姓麗命誰巧作山骨銅兩虬躍
出雌與雄公久望氣如司空得來仍在閩海東神物固與奇
士同晦顯豈必殊霜鋒縱使埋沒糞土中精采齧蝕光愈融
星文沉燦銀臺崇斗牛電掣凌蒼穹寶裝漆鞘聲鏗鏗挂壁
日惟圖史共舞時更與書法通佩之豈止庇一躬欲衛吾道
驅陰冢劍得其人其遇隆不隨下客彈魚轡酒酣斫地曾無
庸軒開有綠氣鬱蔥摩挲三尺愁吳儂

王美中

字伯裳 孝
豐請生

紀羅侯感夢雪枉事

壬子冬盜殺人箬嶺次年春侯夢一人鬚眉修舉通譜系訴遭雙斧狀侯思縣無冤牘此何以夢翼旦視事有告虎傷枉詐者詰之得實單騎捕治遺骸凶械悉具強死者羅姓也盜伏辜而冤平侯名爲賡四川人康熙辛亥知孝豐多惠政

柳蔭牙旗青春暖樹交午我侯靜對閒冥理資遐取上下籌今昔信史昭千古大義凜如霜幽潛亦起舞爰於清夢中戴盆雪冤苦爲道行路難慘死遭雙斧鬚眉何奕奕泣血訴同譜是夢眞明明含情亦縷縷侯起步空庭皓月當窗戶清光與晝同四顧但延佇案牘無沈冤冤則誰爲主待旦視公餘竭來何所覩豈知天難昧事眞情必吐暴客吳陳者翦徑賊

商賈慙不畏鞠凶反肆含沙弩謀人在山巔委罪於虺虎一朝廉得之迅疾馳所部取具得遺骸剖晰由童豎回思疇昔夢歷歷如對語罪人甘伏辜俛首稱明父以此慰羈魂重泉死不腐理幽不異明此事誰堪詡肺石至今傳紀載應重補

董允

字吳仲鄧諸生

縣志黃宗羲講學甬上以意爲心之所存世多未達允麟解之曰存固存而發亦存也聞者始釋然爲人磊落敢任事郡邑刊害是非論議憤激當事聽之奪色其詩文亦踔厲風發陳錫嘏曰爲陳龍川之流

庚子春夏之閒偕徐之道勇讀書及秋別去詩以志慨

香寒漏盡夢未窈一聲清磬鶯啼鳥呼童煮茗搗歎泉晨光熹微山月小前山有友立翠墩呼我相就看早雲啟窗納雲故不應微吟杜甫聲相聞梧桐葉落秋風起咫尺寒光隔千里槃阿寂寞人不來明月依然照亭水

高斗開

字光先號蒙庵鄞人

甬上績者舊傳蒙庵風格有承平之遺善識古器尤愛燒爐終日焚香靜坐晚年家赤貧惟爐獨存邱惺齋贈以詩有云貧不賣爐存古格者是也

秋懷

楓柏初紅菊正黃
鳩來秋思滿江鄉
蘆汀曉色漁燈淡
茆店風聲酒旆狂
不易素襟甘寂寞
猶餘漫興足徜徉
此中閒念都消盡
索句應憐字字香

靜坐

焚香無一事
病起在春前
梁燕如人熟
瓶花帶雨妍
閒臨青李帖
新獲古田箋
儘有清貧樂
囊琴不換錢

汪

洋

字叔度奉化著愁吟集

聞促繒

落月淡餘輝涼颿倏淒楚忽焉寥廓聞聲似相語唧唧臨
短垣淒淒隔荒渚蟲聲秋夜多惟爾夢幽緒催織徒自勞人
閒已如許頻年乖雨暘高下失禾黍辛勤理桑麻寸絲負箱
笥寒餒誰顧憐空廊委機杼

福泉僧舍早起步李鼎梅韻

曙色閣微星林臯鳥亂鳴疏鐘雲外度殘月樹頭明山潤嵐
光重樓高霧氣橫啟扉閒眺處村落曉烟平

寄蘆山耐堂和尚

曾向山房卓錫來暮看雲聚曉嵐開茶條杖撥泉根眼審變
爐燒柏子灰課寫楚詞臨水較乞尋謝豹及春栽自從結夏
休行腳誰與盤桓日數回

王錫卣

字釐一鎮海嶽
貢官常山訓導

寄懷育王寺嵩上人

善賦工文不救窮行藏彷彿等逃空買山若箇容巢父結社
吾將問遠公說法頭看頑石點尋幽徑乞野人通秋風莫管
巖前厲問訊溪橋落葉中

頊

銘字紀侯臨
海諸生

中峰寺避暑次韻

幘峰高閣對江開長夏江風拂面來檻外屐尋靈運跡樽前
詩憶晦翁才冲天塔影晴逾聳近海潮聲晚更催到此不辭
千日醉停琴待月坐山隈

虞允儀

字彥方
東陽人

金華詩錄彥方工書善畫筆法蒼古瘦勁
不求悅於俗目而誠真者寶之亦雅才也

懷友

伊人遠去竟何之每向秋風有所思曾記相逢芳樹下與君

坐到月明時

余際熙

字伯平龍恩貢

緝雅堂詩話余忠肅公仕宋孝宗朝言謀敵決勝之道及與趙忠定公同心輔政擁護善類清德高文威在史冊後嗣繁衍文學不絕其遺澤長矣

白衣巖

烏柏霜零木葉黃秋懷遠託白雲鄉寒潭百尺敲危壁素黛千層出古妝漁艇溯流波上下僧樓吹笛月微茫石牀醉倚歸來晚雙袖青痕野草香

石屋紀遊

蠟屐入危磴層級趾相錯裂石復崩雲窅冥在深壑巘岼開戶牖烟巒忽垂幕嵌空漏日影叩槩如捫籥噌吰而于喁風

何相噴薄偃者奔以鬱側者囓以削坎若穴鳥鼠峭若礪廉
鏗站站如鷲墮潦溼疑浪泊延佇欲何之返棹醉桑落

李以雅

字不匱稽雲人著雲愍堂集

府志以雅爲明貞肅李銖孫蔭五軍都督府都事念母孀居奉養不仕生平雅好經史邑令霍延修邑志

仙巖寺

小小仙城水石佳割將隙地種疏花倚廊怪石噓雲溼拔地
奇松帶雨斜窪自成尊寒泐露壁還留篆翠籠莎虛堂一枕
茶煙淨夢入元都處士家

吾定保

字爰立號築巖海鹽貢生著築巖詩草十二卷

縣志定保早歲能詩長游成均好杜韓諸家詩以孫祖望貴贈如其官

舟行看紅葉

零落驚秋晚相看一惘然疏林不藏月孤艇但衝煙寫豔無

才語浮生感暮年且看夕陽好閒共野鷗眠